



# CHANSON GOZ, VAR SUJET PEDER VREG.

*Var un ton divertissant.*

**S**ELAOUIT, hac e clêfot cana ur Ganaoueri  
Zo composet pell a zo da beder Femelen;  
Zo composet pell a zo da beder seurt Grague,  
E calz eus a gontreou e caver aneze.

Bezit oll attantif mad da glêvet va c'homzou,  
Hac ho pezo plijadur o clêvet marvailhou:  
Ar beder Vreg-màn a zo control an eil d'eben;  
Selaouit hac ententit, rac ne difrezàn den.

Ar Vreg-Vad eo ar guenta demeus ar beder-màn,  
A ra stad eus e fried, e deus soign anezàn.  
Pa zavo eus e goele abret d'ar mintin mad,  
Er golo eno tomic etouezic an dillat.

Ar Vrec-mâ a zo hepret soignus eus e friet,  
Da brepar' dezàn e lein abars ma vo savet;  
Ebars en ur scudellie pe ur podic bian  
Vo laqet da vitona e qichenic an tân.

Pa zavo oll dud an ty, arabat e vo dê  
Ober trous, aon difuni an ozac'h er guele;

Ret eo dê beza sioul bras epad ma pad ar pred,  
Rac aon da geni'n ozac'h zo c'hoas anter-gousqet.

N'em dic'hourdi rai'n ozac'h neuze en e vele,  
Digueri e zaoulagad da c'hout hac én vo de;  
Neuze' visgo e zillat eno e plijadur,  
Cetu savet an ozac'h mintin-mat a dra sur.

Ar Serjant-Greg eo goude, ne deus qet a rêson  
Mui eguet en deus un tygr petramant eul leon,  
Ha ne deveus qen sourci nemet destum mado,  
Ne glêfac'h qet anezi o comz eus ar maro.

Pa zavo ar Serjant-Greg neuze deus e guele,  
E qemero ur bisforc'h hac e yel da vale,  
Evit guelet he farcou, he frajou tro-var-dro,  
Ha mar cav ar zaout enne, ractal o bac'hato.

P'erruo ar Serjant-Greg a c'houde pourmeni,  
Ha ma na ve qet savet servicherien he zy,  
Neuze vezo e c'hlêvet o cana ur guentel!  
Gant calz a leoudouet e ray dezo sevel.

Guell ve da ur servicher beza en ur prison,  
Destumet hac amaret en eur bassefos don,  
Eguet beza oblijet da Vreg evel oumâ,  
N'en deus qet a blijadur o ranc he servicha.

An Vreg-Arc'hant eo goude, honnes zo suffisant;  
Ne fell dei ober netra nemet evit arc'hant.  
Qement e plich dei arc'hant hac ouспен-ze an aour,  
Ne c'houl'en ober netra james evit ar paour.

Pa zayo ar Vreg-Arc'hant da rei amann ha lès,  
D'an dud a vezo ganti pe labourerien guès,  
Neuze vo taillet dezo justa ma vo gallet:  
Guell ve ganti caout arc'hant eguet repas reglet.

Hace yec'h bet pell-amzer e ty an Arc'hant-Greg,  
Nos ha deiz o labourat, hep cessi ur momet,

Mar deut goude-ze da glasq un draic benaquet,  
Ma noc'h eus qet a arc'hant et viot refuset.

Ar Vreg-Gougoul a gundu tri antrou en he zy,  
Ar c'henta eus aneze zo hanvet Diegui,  
An eil a zo Goal-Fêçon, Luguden an drede :  
Sellit penos e cundu ar Vreg e autrone!

Pa zavo an ozac'h qès a demeus e vele,  
E lavaro d'e bried : sao alesse ive ;  
Mes Diegui lavaro neuze e bêt gomzou :  
Abret omp c'hoas da zével, souchomp amàn lion daou.

Neuze' soucho an ozac'h coantic en e vele,  
Hac e cousco Diegui gantàn oc'h e goste ;  
Credi ràn a dra derten penos er barres-màn  
E cafet calz a C'hraquez zo hènvel oc'h oumâ.

Pa zavo ar Vreg-Gougoul neuze deus he guele,  
Var digare qerc'hat tân e yelo da vale ;  
Var digare qerc'hat tân pe un dra benaquet,  
E zai da gonta marvaill d'e c'hommer Guillemet.

Compagnunez enorabl, bremâ oc'h eus clêvet  
Disclêria en abregé buez ar beder C'hreg ;  
Rac-se'ta, me ho suppli, dre guriosite,  
Da brena peb a gopi da stag' ouz hô cuele.

Nep en deus grêt ar Chanson a guelen ar re all  
Ha gouscoude e-unan en deus lec'h da zivoal :  
E mà e qer bars danger ha ma ve den ebet,  
Gaut aon na deuse deàn attrap ur Gougoul-Greg.

FIN.

## DISPUT

## ETRE MOLARGE HAC AR C'HORAIZ.

*Var ton Chanson ar Brezel.*

**B**onjour dêc'h-u, va Mignonet, joa ameus ouz ho cuelet,  
 Evit cana dêc'h un Disput pell-amzer zo composet,  
 Var ar sujet a Volarge hac ar C'horaiz e zê grêt;  
 Me ho suppli ta, Bretonet, da zonet oll d'e c'hêvet.

## MOLARGE.

Orça ta, eme Molarge, deut ez òn c'hoas en ho touez,  
 Evit joaüssat calz a dud ebars er rouantelez,  
 E Breiz, ebars en Normandi, e qement provinc a Franç,  
 Evel ma ve deut Molarge, e ve calz jouissance.

## AR C'HORAIZ.

Molarge a zo sur un den hac a gar ober cher-vat,  
 Hac e vrassa contantamant eo oc'h eva boutaillat;  
 Un infam eo hac ur gourmant, carguet a voal exemplou,  
 Hac a laca calz dizurzou var ar mæs hac er c'hæriou.

Ar C'horaiz a zo un æmzer hac a gar ar biuijen;  
 Ne felt qet dezàn clêvet comz meus a dra fall a grenn;  
 Ar C'horaiz memes zo un den carguet eus a zantelez,  
 Evit sicour ar gristenien d'ober o zilvidiguez.

Ar C'horaiz a zo un den deut eus abers Salver ar bed,  
 Evit dont da burifia un den demeus e bec'het.  
 Un den eo leun a vertuzion, hac a gar mad hon ene,  
 Evit beza recompanset gant un Doue goude-ze.

Ha racse eta , Molarge, quitta buan ar c'hontre,  
 Rac certen te a zo un den carguet a impurete;  
 Da galon zo ive carguet a voal inclination:  
 Capapl out da zaoni an dud dre ar vro e peb canton.

## MOLARGE.

Bah! ro peoc'h din-me, Coraiz; te zo ordinal e trous;  
 Te a zo un den disordren, hac atao ouz va gourdrous;  
 Te a zo un den scandalus, ha prest d'am brezellecât,  
 Balamour ma lacàn calz tud da eva, d'ober cher vad.

## AR C'HORAIZ.

Nê qet avoalc'h sur qemense, pa gomzes qen insolant.  
 Hanvet mat ez out Molarge, rac ne ouzout qet parlant;  
 Te a zo un den intourdi, carguet a fallagries,  
 Hac a laca calz dizurzou ebars er rouantelez.

## MOLARGE.

Roes-te peoc'h din-me, Coraiz, ha lezes-te da gojou;  
 Me bepret n'em divertisso, groignet an nep a garo;  
 Ne zispignàn netra da zen, me rayo d'am santimant,  
 Hac a rayo bepret cher-vat qeit ma pado va arc'hant.

## AR C'HORAIZ.

Calz a dud a zo er bed-mâ a voal-dispign o danve,  
 Hac en em laqa e danger, sionas! da goll o ene,  
 Pere a zo tud obstinet, caledet en o fec'het,  
 Hac a deu da anconac'hat Jesus-Christ, Salver ar bed.

## MOLARGE.

Roes-te peoc'h din-me, Coraiz, scuiza ràn ouz da glêvet;  
 Me fell din n'em divertissa bremâ gant va mignonet.  
 N'emeus nemet daou pe dri de da chom assambles gante,  
 Mes varben daouzec mis amâ e teuìn c'hoas adare.

## AR C'HORAIZ.

O Molarge, den milliguet! me garfe e ves maro,  
 Evit na deuses birviquen davantach ebars er vro;

Te a zo un den didruez bars en andret da ene :  
Poent ê dit n'em gonvertissa, ha distrei pront oc'h Doue.

MOLARGE.

N'em gonvertis nepa garo, me ne dòn qet chagrinet ;  
Me fell din n'em divertissa, oc'h ober cher-vat bepret.  
Me a zo ur potr hep sourci, ha ne dòn qet chagrinet  
Dac'hout piou n'em gonvertisso, rac me ne dòn qet presset.

AR C'HORAIZ.

Un dra derrubl eo, maleurus, e vez-te qen obstinet  
Gant ar güin ha gant ar cheriou, den cruel ha diremet !  
Te verit beza chassee eus ar vro hac ar c'harter,  
Dre ma zout un den libertin, un infam hac ur mevier.

MOLARGE.

N'en dê qet êru an termen din-me c'hoas evit quitât ;  
Qent ma quitain ar vro-mâ me evo c'hoas boutaillat.  
Me eo Molarge, va miguon, hac a gar ar blijadur,  
Evit dansal hac ebatat, ober cher-vat dreist muzur.

AR C'HORAIZ.

Te barlant evel ur brutal, den milliguet ha barbar !  
Te a zo ur moustr infernal, digasset var an douar ;  
Capabl e zout da revina hac ar vro hac ar c'hanton ;  
Calz a dud o senti ouzit a ra o daonation.

MOLARGE.

Sonjal a res dre da gomzou donet aben d'am sponta,  
Mes me zo un den, va mignon, dichagrinus a bep tra ;  
Me a zo un den, va mignon, a laqa an dud contant,  
An noblanç hac ar vourc'hisien, ar gomun ha tud yaouanq.

AR CHORAIZ.

Ret eo lavaret, va Doue, e zeo bras ho madelez,  
Pa bermetit gant ur seurt den qement fallagriez.  
Nedoc'h qet un Tad venjançus, o souffri gant ar pec'her,  
Bete ma teu doc'h insulti en ho Temploù, va Zalyer.

## MOLARGE.

Comanç a ràn d'en em nec'hî, o velet'rançàn quitât  
 Va slijadur ha va cheriou bremàn vit ur pennat-mat;  
 Rase en em divertissomp gant calz a gontantamant,  
 Rac var ben un nebeut amàn hor bezo sur chenchamant.

## AR C'HORAIZ.

Penos eta, den insolant, den milliguet ha barbar,  
 Ne veles-te qet exposet Jesus-Christ, Roue ar gloar?  
 C'hoas e c'heus an iffrentiri, den aheurtet hac ingrat,  
 Da zont bemde d'en offanci dre bec'hejou execrabl!

## MOLARGE.

Ro-te peoc'h din-me Coraiz, ne qet deut c'hoas va zermen;  
 Varben un nebeudic amâ e vezo grêt pinijen.  
 Amzer avoalc'h o de'o an dud er spaç eus a zeiz sizun  
 Da zont da zebri souben dreut d'ober pinijen ha yun.

## AR C'HORAIZ.

Mab Doue an Tad Eternel zo eus an ên disqennet,  
 Hac a zo en em incarnet bars ar Verc'hes beniguet,  
 Pehini zo bet en dezert an nombr a zaou-uguent de,  
 Evit delivra'r bec'herien demeus a gaptivite.

## MOLARGE.

Guell e ve dide, Coraiz treud, studia da sarmoniou,  
 Rac bete Merc'her al Ludu me en em divertisso  
 Assambles gant va mignonet, pa zomp-ni en em gavet:  
 Qen a vo deut an amzer-ze, ni rayo frico bepret.

## AR C'HORAIZ.

Poent e cavàn did, Molarge, achui da gomplimant,  
 Rac var ben un nebeut amâ e sono cloc'h ar guær-màn.  
 Qementse a zisqueze ervat e zout un den difêçon,  
 Pa rançer dont das chasseal eus ar vro hac ar c'hantor.

## MOLARGE.

Ma vige-te deuet en deiz evel ma zout deut en nos,  
 Me raje dide discampi ha na pige qet repos;

P'òn em brassa contantamant hac ebars em plijadur,  
 Out deut da droubli va speret, den cruel ha dinatur.

AR C'HORAIZ.

Me n'òn get certen dinatur, er c'hontrel da guementse  
 Mes deut ez òn das chasseal demeus ar vro, Molarge,  
 Dre ma zout un den ignorant, carguet a impurete,  
 Ez òn deut vit das c'hasseal demeus abers un Doue.

MOLARGE.

O na pebez tristediguez a zo ebars em c'halon,  
 O velet e ranqàn quitat tud ar vro hac ar c'hanton!  
 Adieu eta, va mignonet, an oll generalamant;  
 Bremàn e ranqàn ho'quitat gant calz eus a nec'hamant.

AR C'HORAIZ.

Nousen birviqen, va Doue, avoalc'h ho trugarecât;  
 C'houi zo un Tad carantezus, atao favorabl ha mat;  
 Va speret a zo contantet, rejouisset va c'halon,  
 Pa meus chassee Molarge eus ar vro hac ar c'hanton.

Ha racse eta, va zud qèz, breman' n'em gonvertisset,  
 Ha distroit varzu Doue gant ur garante barfet;  
 Tostait d'ar Sacramanchou, ha deut d'ober pinijen,  
 Hac e viot recompanset gant Doue da virviqen.

Me ho supli, oll Gristenien, demeus a greiz va c'halon,  
 Da zont da imita Jesus ebars en e Bassiou;  
 Caromp Doue a greiz galon, hac en deiz coulz hac en nos:  
 Ennes eo sur ar güir voyen da c'honit ar Barados.

FIN.

---

E Montroulez, e ti LÉDAN, e traon ru ar Vür.